



PINTO E MARAGOTA

PROGRAMA MUNICIPAL POLA DIVERSIDADE SEXUAL

Edicións Xerais de Galicia, en colaboración co **Concello de Pontevedra** convoca a **II Edición do Certame Literario “Pinto e Maragota”** que ten como finalidade visibilizar e dignificar a diversidade sexual e de xénero, que se rexerá polas seguintes

BASES

1.- Obxecto

A presente convocatoria ten por obxecto a concesión do premio Pinto e Maragota correspondentes ao ano 2021, orientado a recoñecer e valorar aquelas obras literarias innovadoras e relevantes en canto á **visibilización e dignificación da diversidade sexual e de xénero**.

2.- Persoas beneficiarias

Poderá concorrer calquera autora ou autor, de calquera nacionalidade, maior de idade, que presente unha obra escrita **en lingua galega conforme á normativa oficial establecida pola Real Academia Galega**.

3.- Orzamento e aplicación orzamentaria

Concederáse un único **premio de 3.000 €**, imputados á partida de Benestar Social do orzamento de gastos de 2021 do Concello de Pontevedra.

4.- O xénero literario das obras presentadas poderá ser novela, teatro ou poesía para o público infantil, xuvenil e adulto.

As obras destinadas ao público infantil e xuvenil non terán extensión mínima e as obras destinadas ao público adulto terán as seguintes limitacións:

a) Novela ou obra dramática para público adulto.- O texto deberá ter unha extensión total mínima de 90.000 caracteres con espazos.

b) Poesía para público adulto.- O texto conterá un mínimo de 500 versos de forma libre.

Cada participante poderá presentar tantas obras quixer en envíos separados.

As obras presentadas deben ser orixinais e inéditas, entendendo por obra inédita a que non foi comunicada nin na súa totalidade nin en parte por ningún tipo de procedemento.

As persoas participantes enviarán os traballos en **formato PDF** por correo electrónico, co asunto "Para o II Premio Literario PINTO E MARAGOTA", ao enderezo **igualdade@pontevedra.eu**, desde a apertura do prazo.

Deberanse incluír no correo electrónico dous arquivos:

- Un co orixinal, que deberá ser presentado baixo un lema e sen ningún tipo de dato que identifique ao seu autor/a.
- E outro co nome completo, idade, enderezo, teléfono, título da obra e número de conta. A persoa gañadora do concurso deberá achegar copia do DNI e certificación de número da conta bancaria na que estea autorizada.

O prazo de presentación pecharase 45 días naturais despois da publicación das Bases no BOP. **(o 6 de novembro de 2021 ás 23:59 horas).**

5.- Xustificación dos premios

A xustificación terá a forma de conta xustificativa simplificada (art. 75 do RD 887/2006 e base 43 das de execución do orzamento xeral para 2021).

De acordo co art. 13 da Ordenanza reguladora de subvencións do Concello de Pontevedra, unha vez avaliados os traballos presentados, o xurado emitirá un informe no que concrete o premio outorgado identificando a persoa gañadora, o DNI e a certificación do número da conta bancaria na que esté autorizada.

6.- Órgano instrutor

A instrución do procedemento da concesión de premios correspóndelle ao Servizo de Benestar Social do Concello.

7.- Composición do xurado cualificador

O xurado estará composto por:

- 2 persoas designadas pola concelleira de Promoción Económica, Emprego, Turismo, Universidade e Promoción da Igualdade.

- I persoa proposta por Edicións Xerais de Galicia.

Con voz, pero sen voto, un/unha funcionario/a municipal designado pola concelleira de Promoción Económica, Emprego, Turismo, Universidade e Promoción da Igualdade, que fará a función de secretaria/o.

8.- Criterios obxectivos de outorgamento do premio

O premio outorgarase tendo en conta en xeral o nivel de calidade literaria da obra e o tratamento da temática de diversidade de sexo e xénero dentro da mesma.

9.- Xustificación do premio

Ao abeiro do art. 88.1 do Real decreto 887/2006, polo que se aproba a Lei de subvencións, o premio económico concedido quedará debidamente xustificado coa presentación da acta da reunión do xurado na que se acorde outorgar o II Premio Pinto e Maragota que regula estas bases.

10.- Forma de pagamento

O pagamento do premio estará suxeito ás retencións legalmente establecidas e se fará efectivo por parte do Concello de Pontevedra. A Tesouraría municipal realizará o pagamento do premio na conta bancaria determinada pola persoa gañadora.

11.- Procedemento e órgano resolutorio

Segundo o disposto no art. 11 da Ordenanza reguladora de subvencións do Concello, o procedemento ordinario para a concesión de subvencións será mediante convocatoria pública e polo procedemento de concurso.

12.- Publicidade e difusión dos premios.

Ao outorgamento dos premios daráselle a publicidade segundo o establecido no artigo 20.8 da Lei 38/2003, xeral de subvencións.

A obra premiada será publicada por Edicións Xerais de Galicia, S. A.

Esta editorial asinará coa autora ou autor un contrato de edición nas condicións habituais, sempre de acordo coa lexislación vixente sobre a propiedade intelectual.

Se no período de tempo transcorrido entre a presentación dunha obra e o ditame do xurado esa obra obtivese outro premio, o autor ou autora deberá comunicalo inmediatamente ao Concello de Pontevedra, retirándoa do premio *Pinto e Maragota*.

En calquera caso, enténdese que a obtención dun premio anterior implica a renuncia automática ó premio *Pinto e Maragota* que lle puidese ser atribuído a esa obra por descoñecemento desta circunstancia, sen prexuízo doutras responsabilidades nas que a autora ou autor puidese incorrer pola omisión do deber formulado nesta base.

Os orixinais non premiados serán destruídos.

A participación no certame supón e implica a aceptación total das súas bases.

O premio non poderá ser dividido pero si ser declarado deserto no caso de non atoparse a calidade suficiente para outorgalo e a súas decisións serán inapelables.

14.- Información sobre a convocatoria.

Calquera dúbida sobre o contido desta convocatoria será atendida polo **Centro de Información á Muller (CIM) (tlf: 986 864 825; e-mail: igualdade@pontevedra.eu).**

15.- Protección dos datos de carácter persoal.

De conformidade coa Lei Orgánica 3/2018, do 5 de decembro, de protección de datos persoais e garantía dos dereitos dixitais os datos persoais recollidos na tramitación desta convocatoria serán incluídos nun ficheiro responsabilidade do Concello, cuxo obxecto é xestionar este procedemento así como informar ás persoas interesadas sobre o seu desenvolvemento.

Os dereitos de acceso, rectificación, limitación do tratamento, supresión, portabilidade e oposición ao tratamento así como o seu consentimento, poderán exercerse mediante o envío dunha comunicación a Concello de Pontevedra, con CIF: P3603800H e enderezo en rúa Michelena, 30, 36071 Pontevedra ou ao seguinte enderezo electrónico: sede@pontevedra.eu.

Tamén poderá dirixirse á Autoridade de Control competente para presentar a reclamación que considere oportuna.

